



## Тохлаң хопан яңхты ялап юшат пуншдайт



Хор: ЯНАО губернатор пресс-служба

Округев элты па мувата, вошата тухад порайн тохлаң хопан туп ёхатты рахал. Шциел педа понам рупата аялта ел хатад. Тохлаң хопат латты харат лэщатлайт, ялап юшат пуншдайт, юш нэпек сохаптата тынал тындышпак верда.

Там ванан ям айкедан ёхатсаюв. Пулңават элты Ёмвош педа ялап тохлаң хопан юш пуншда. Елпи ци вош унты ёхтаптата ураңан, Тюмень воша манты мосас, шцилта па елды мув хуват, муй па кимет тохлаң хопалэлты. Луңан па Сумат вошан ат холман, кат хатл «Метеоран» Ас хуват манты.

Ай кер тылащ элты, ялап

юш пуншты юпийн, лапат кат пуш Ёмвоша яңхты па ёхды ёхатты рахал. Манты юшал ловаталан щёскем питал. Юш нэпек тынал хут щёрас молтаса хойл.

Ялпа пуншты юш хуват CRJ-200 тохлаң хоп эсалда. Ипуляң ветьяң хоят лэлда.

Ун кер тылащ олаңмет хатл элты S7 авиакомпания тохлаң хоп Пулңават па Новосибирск кутан эсалда. Там вош унты кат щёс па ветхоцьяң минута манда. Embraer-170 тохлаң хопан нийлъяң педа нийл хоят омасты таха ул. Юш нэпекат тыныты питсайт.

Абхазия Сухум вошан тохлаң хопат латты харэл лэщатам

юпийн, кущайдув номас понтсат, хоятата шциел педа щутцатты яңхты, туң юш па пуншты. Там хатл кеша кутлаңан холна потар тулат.

Губернаторэв партапсайт вера тыйтыйн, округ хоятат улапсаел па кентат манал. Луңан няврэмлаң пилан щутцатты, вер сахат, леккар хотата, хув юш манман, кушкепа ант шукащдат. Мув хорамат яңхтывантты хоятат па тыед педа кердалат.

Там вер «Туризм и гостеприимство» национальной проект дыпия лоңалман ул.

Зоя Куртямова  
ханшам потар

## Няврэмат уталтаты хоятат лавалдайт

Округ вош па курт ашкулдаята няврэмат уталтаты хоятат лавалдайт. Вошата рупитты ёхатты кашң хутьяң педа нийл хоят, йи миллион солкува ёша паятлат. Куртата манты яң хоят – 1,5 миллион солкувайн сохаптадайт.

Ёхатты хоятат, ай кер тыдась 31-мет хатл унты официальной сайтан ханшлтантыты верытлат. Округев хуват рупитты хоятат нэпеклад ант вулдайт.

Округ ашкулдаята ар пелак математика, китайской па па мир кат ясаң уталтыты хоятат па нялъяң педа вет тал унты волаң воштан вузат етшаты энамты ёх лавалдайт.

Олаң ят манам уталтыты хоятат региональной экспертат пилан потар тулат па предметлаң хуват тестат мадат. Ущ тыдась хасям хатл унты пирыйм хоятат ясталайт. ЯНАО уталтыты верат туты Региональной институтан рупитты хоятат пилан рупитты ашкулдайт пирьлат па нял тада тохи рупитты мандат.

Там талан «Округ няврэм уталтаты хоятат» программа ялшитса. Си елпи, туп хольмаң тал унты велси питам рупитты хоятат хутсот сёрс солкувайн сохаптасайт. Ин рупитты ёхатты хоятат талдад ант вантлайт па охан холдыена мадайт.

Альбина Тырлина  
ханшам потар

## Диктант ханшты пилтащияты

Курк тылащ 21-мет хатл шимлаң мир хоятат рут ясаң емаң хатла постаман ул. Шци хатадан воштан па куртатан улты мир ёх хоятат, лув рут ясеңдан диктант ханшлат.

Округеван улты хантэт, урат, ёрн ёх па саранат ищи «Язык наш веками отточен» диктант ханшты лэщаттылат. Шци тумпийн, кашң хоят лув уятты ясаң па потрапсайл щиран онлайн-трансляция пилтащты верытал.

2025-мет тал герой Тада нэматман ул.

Там пуш Волаң Ляль нох питам хатл 80-мет тал постада. Шци кеша Волаң Лялян улам опращдув, па ляль ураңан рупитам хоятат элты потар ханшлув.

Овс мув шимлаң мир хоятат верат туңматты щиран улты ЯНАО Департамент, ГАУ ДПО «Региональный институт развития образования» па Национальной библиотека Ямала яха пилтащман там ханшты вер тулат. Диктант ханшты юпийн, кашң хоят сертификатан мада.

Зоя Куртямова ханшам потар



Хор: Альбина Тырлина

# Дохан хатэмиты касапса манас

Курк тыдас нийлмет хатадан хон мувев хуват, Волаң Ляль 80-мет постама тада, «Лыжня России» касапса манас. Кашң вошан дохан дойты хошты па туса хатэмиты няврэмат па ун хоятат яха уйтантысат.

Си хатадан Ёмвош округан А.В. Филипенко нэм тайты тал касапсайт Центран кат сёрс молтас хоят касты этас. Югра мув куся ху Руслан Кухарук, Светлана Слепцова па Евгений Дементьев олимпийской чемпионнан мойлапса ясаң ястасат.

«Там тал мет волаң. Там пуш хон мувев 80-мет Волаң Ляль етшам талад постаты питал. Касапсаев Ун Лялян удам хотлдува постасэв.

Улды мувеван хон мув па па мув дохан хатэмиты па пошкан элты оратты касапсайт мандат. Шеңк ям дэсатыты харат тайлув. Ар хон мув па па мир олимпийской чемпионатат тата вердайт.

Ходна там пуш округев 95-



Хор: vk.com/ingramesaport

мет тала йил. Ёмвош мувев антом туп касты хоятатан, шоши мир хоятлудван тащаң. Дув онтасэдан кашң емаң хатлат, симась касапсайт мандат», – округ куся ху ястас.

Си касапсая рупитты хоятат, няврэмат, талад хоттэлат ёхтыдысат. Олңа кашң ёхтыдым ай-ун хоят дув категория хуват дохан хухатдыс. Си юпийн

шоши мир хоятат ветсот метра вой ведпаслаты дохан этнозабег версат.

Касапсайт кутан мойң хоятат вуды па амп ухадан хатэмисат, тынщан ёвалдмисат, ухад шоппи навармисат, вуды хотан хошъийңк па шай йинсьсат, пормасат дутсат па лотерея хося кассат.

Хон мувеван си касапса 1982-

мет тал элты верла. Ёмвош округан 43-мет пуш манас, касты па ад хоятат актас. Муң округеван атом турам улмад ураңан, касапса ант верыдыса. Ай кер тыдас унты дохан хатэмиты уйтантопсайт мандат, хоятат касты харатан уйтантылат.

Альбина Тырлина ханшам потар

## ОБЪЯВЛЕНИЕ

**СЛУЖБА  
ПО КОНТРАКТУ  
В ВС РФ**

ПОЛНАЯ ИНФОРМАЦИЯ ПО ТЕЛЕФОНУ

☎ **8(902)81-6-11-90**

ЗВОНОК ПО РОССИИ БЕСПЛАТНО

**ВРЕМЯ ДЛЯ  
ВАЖНЫХ РЕШЕНИЙ!**

**КОНТРАКТНАЯ СЛУЖБА**

**6 200 000 Р**

**ЕДИНОВРЕМЕННАЯ ВЫПЛАТА**

**3 500 000 Р**

ПРИ ЗАКЛЮЧЕНИИ КОНТРАКТА НА ЯМАЛЕ

⚠ Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

**ОБУЧЕНИЯ:**

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

**3 100 000 Р**

ЕДИНОВРЕМЕННО ОТ РЕГИОНА

**400 000 Р**

МИНИСТЕРСТВО ОБОРОНЫ

**до 120 000 Р**

СЕРТИФИКАТ НА РЕАБИЛИТАЦИЮ

ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

**ЕЖЕМЕСЯЧНЫЕ ВЫПЛАТЫ  
ПРИ НАХОЖДЕНИИ В ЗОНЕ СВО**

**РЯДОВОЙ  
ОТ 210 Т.Р**

**СЕРЖАНТ  
ОТ 232 Т.Р**

**ПРАПОРЩИК  
ОТ 292 Т.Р**

## Овс мув сыдат элты ялап нэпек верла

Хон мувеван, Овс мув сыдат элты ялап атлас-нэпек верты питса. Ямал мувеван улты хоятат, вошат па ай куртат ищи тохи ханшлайт. Хон Петра вошан А.И. Герцен нэмпи хон мув педагогической университетан рупитты учёной хоятат уталгыты нэпек лэщатлат.

Ашкудаятан па рупата педа уталгыты няврэмата тамащ нэпек шеңк мосал. Елпи ханшилым нэпекат катрая йисат. Овс мув сыдал па ялпийс: мув тут йиңк па тув шув ёхатты ялап рупата харат пуншсайт. Урты нэпек лыпия доңалтам вой-хул шавиты ялап муват лэщатсайт.

«Там хатлатан, мув сыдат оша пайтты хоятат, ёханат, кеват, унтат, вошат нэпека

щюратты, муван энамты отат шавиты ёх, войт-хулат улапса вантты мохет яха пилтащман рупата тулат.

Хон мув Арктика районат тайты кашң щир атлас лыпийн атэд потра понда: там мув сыдатан энамты торнат, юхат, войт-хулат, тата улты овс мув шимлаң мир хоятат, тын тайты кеват, тут шув па тут йиңк ёхатты тахайт, вошат, куртат, емаң харат», – география факультетан рупитты учёной ики Дмитрий Субетто ястас.

Ялпа лэщатты нэпек ходна кат тал верты питла. Етшатэд юпийн, кашң ашкудая, няврэмат рупата педа уталгыты хотата лакки ортлайт.

Зоя Куртямова ханшам потар



Хор: Альбина Тырлина

# «ЮнАрктика» проектан касты няврэмат



Хор: Ирина Чернецкая

Хасям талатан округев хуват нийдмет классатан уталтыты няврэмат кутан «ЮнАрктика» проект манал. Там пуш хольмаң класс си касасайн касал. Пулдават ашкулдаятан уталтыты эвет па похат Минск, Киров, Воронеж, Старый Оскол вош кев хор макетат дэсятсат.

Хасям талдан Ас потты тыдасян си касасайн касты утсийм няврэмат «Хон мув энамты ёх» ФГАИС сайта заявка-нэпеклад китсат. Ван хатлап тыдасян кашң класс «Яха уталтыты класс удапса» визитка дэсятсат па эталтысат.

Мет даварт па мет умась

касаспа хасям лапатан манас. СССР герой па воинской слава нэман юкантам вошат, хота Водаң Ляль манам тахайт кев хора дэсятман улдат, няврэмата си кев хор хуват макет верты мосас.

Эвет па похат сютсяты хатлатан па урокат етшаты юпийн, ашкулдаятан рупатайдал версат. Аңкидаланасидалан па си рупата кеша улты хоятатан нётсайт. Рупатайдал эталтымел юпийн, презентацияйт альсат. Кашң вошан худам нох питам класс пирыса.

Курк тыдась лапатхосьяңмет хатл элты ай кер тыдась

хулмет хатл унты региональной касаспа ят верда. Кашң округ вошан нох питам няврэмат дув кутэдан касты питлат. Хасям ят унты холна патриотической ар эталтыдат, нормы ГТО мадат, 80-мет Водаң Ляля постама тада нётхты хорат дэсятлат, «Письмо Победы» хон мув акцияйн каслат.

Ас нопатты тыдась элты уш тыдась унты хасям ят манал, нох питам классат ястадайт па мойлаптадайт. Мет тусшак эвет па похат хон мув ун вошат вантты тутдыдайт.

Альбина Тырлина ханшам потар

## Тамац хотан умац улты

Там пуш Новый Уренгой ветьяңмет талад постад. Ши кеша ар ям вер вошан верда. Ялап касты харат, ашкулдайт, леккар хотат рупитты питсат, юшат лэцатсайт, тохдаң хопат датты хар па хоятат давдасты ялап хот пуншса. Холна йи мойлапса хот, рупата педа уталтыты няврэмат кеша верда.

Уренгой вош Овс районан многопрофильной колледжан уталтыты па рупитты хоятат кеша нийл ятпи ялап хот омасда. Доватадан нядсот хоят улты верытал. Хот дыши ятлад кат хоят улты, атэд комнатайң щира лэцатдайт.

Мушаң хоятат олаңмет ятан, яң секцияйн улты питлат. Нийлхус доват эвета-похата хус хот дыши улты таха. Уншак няврэмата няд хоятан яха

улты ветьяң комната, пидаңа улты хоятата лапатьяң улты хот ят.

Кашң ятан айлат ёх элты давалты хоят, ёхи мийм урокат верты па щутцаты тахайт

питлат. Ши тумпийн, общежитие хотан рупитты па хот давалман тайты хоятат кеша, касты, лэтот лутты, каш верты, леккар хот ятатан па лэцатдайт.



Хор: ЯНАО губернатор пресс-служба

## Вошев кашң хатл хорамаңа йил

Ноябрьск ветьяңмет талад постаты хатлат кеша катсот педа лапатьяң вет вер нопса понман ул. Ши хатлат кеша муы верса па муы холна мосад верты, вош куца ху Алексей Романов округ куцаев Дмитрий Артюхов пилан потрэмийс.



Хор: youtube.com

Мет водаң уйтантопсайт па каш верты харат унт дор тыдац хольмаңмет па нядьяң педа олаңмет хатлатан манлат. Емаң хатлат порайн, тынасты, эплаң лэтот верты па касты харат дарпитдайт, каш верты ёх ун вантопса лэцатлат.

Вош опсам порайн рупитам хоятат, кашң тал улам вошеда вохилдыдайт. Катра рупитам тахайладан, ашкула няврэмат пилан уйтантылат. Ялап вош хорамат лувилала альдайт.

Щёхар тыдац олаңмет хатадан, ведщи ашкулдая манты эветпохат, емаң хатл кеша верам мевал посатан мойлаптадайт.

«Вош опсам ветьяңмет талэв кеша, ям хувн лэцатыты питсув. Мет ун вердув патэд унты туслув. Тамхатл кеша ялап леккар хот, ашкула па юрацты хот пуншсув. Вош хулат, няврэмат ёнтты па хоятат щутцаты харат вер щира лэцатдалдув. Вошаң хоятлуван ястам партапсайт верты кеман иса версалдув.

Шеңк ун рупата хот омасты вер педа понман ул. Хольмаң педа хут ар ятпи ялап хот омасда. Щилта, хутхоцьяң хота, катра хотатан улты хоятат касаллат. Там пуш хуламсот молтас хоттэд ялап хот элты томан няламан катлаптада.

Номас тайлдув, 2028-мет тал унты катра хотатан улты хоят ант хашал», – Ямал мув куцаев ястас.



Е.Э. Василькова – интернат хотн рупитты нэ

## Няврэмат пилн рупитл

**Имолтыйн Варьёган куртан Нижневартковской районан ма рупатаем щиратн айкедат акатман яңхсам па кутоп ашкуда хоца улты интернат хотн няврэмат хатл сис давалты нэцат пилн уйтантысам па дый вердал элты ияха потартсув.**

тамхатл ин ястатья верытдан, муй хорасап хатнэху, наң нумастанан, лув улты-холты щирн ус?

– Муң ащикев шуңат шеңк мосман тайсэв. Дув, ванта, отья хилдылад педа удопсайл хуватн иса ус. Рут ёхдавн катра порайт вуш элты лув номсаң па ун хоята луңатса. Киникайт па луңтарат ханшты хатнэху щира

дув муң урнева ищипа ант тайсэв. Катра, хун ма лувел шияладэм, такан лув хоцаел хоца хухалмадам па сапл вурала нох щипа ёшңадамн апалмадэм, мосалталэм.

Щалта вутщидам потартыя, хоты муң айтэдн унт куртан Варьёган лепн усув.

Ащикем вулэт тайс, кашң хатл сис дый пилэдн волькемас, худ па вой ведпаслаты яңхас па ёдан ищипа арсыр ху хоят верат туңа щира верас.

– Ма уятлэм, хоты наң айшак классатн унт куртаң ашкудайн уталтысан, щипа ашкуда хот нынана матты ки ащикен шуңат пуншидымал?

– Юрий Кылевич дув хилдылад ураңан унт куртадн ашкуда щипа тайс. Муң па

1996-мет тал вуш элты па иса 2001-мет тал унты, талаң вет тал сис, щимащ унт куртаң ашкудайн уталтысув. Мет олаң талэвн муңев уталтаты нэңев ащикев шуңатн Москва хон вошн моцатыса. Талаң тал дув муң пилэвн ус па рупитас. Щиканща кашң тал иса арсыр хоятатн уталтыман тайсаюв. Ащикев шуңат кимет муңев уталтаты руц ики Топалвош эвалт тутлимад. Мет ёхи хащам кемн лув Нижневартковск муй Радужный вошатн щимащ хоят канштыя питас. Мосал ястатыя, хоты муң ямсыева па вещьката арсыр верата щипа хоятатн уталтасаюв. Аратэдн иса нийдкем няврэм щимащ унтан пуншам ашкудаева яңхас. Еша улды муң щипа уталтаты тахаев айдтыева етшаптасув.

– Елена Эдуардовна, унт куртаң ашкуда юпийн наң Варьёган кутоп ашкуда хотн елды уталтатыя питсан?

– Ма, ванта, хун щипа унт куртаң ашкудаем етшаптасам, аңкем-ащем ищиты Варьёган курта касалсат. Щалта кутоп ашкуда ун классатн уталтатыя питсам.

Яртъяңмет класс юпийн нумасам Ёмвош педучилищяя манты па ун ёхдамн ант эсалсайм. Щиканща 10-мет классэм сохнаптасэм па

ведщи па тахаята манты щипратн масайм. Ёмвоша ёхатсам па мет ай няврэмат хатл сис давалты тахайн рупитты нэцат щира педучилищяин елды уталтатыя питсам. Няд тал сис сора мантсат, диплом холамсам па ёхи щипа ёхатсам. Щитэмн туп Варьёган куртэм мува пурамсам. Тата йикем пилн уйтантсаман па хоттэд хоятаңа щипа йисам. Муң семьяев хоца хулам няврэмие там нови туром идпия ёхтас. Ма дый пилэдн водкемасам. Хун няврэмлуд унашак йисат, айдтыева манэма рупата канштыя питсам. Олаң талдн Варьёган куртаң йис пормасат шавиты хотн хотхарат лөхитты нэца рупитты вусайм.

– Хун наң Варьёган куртаң кутоп ашкуда-интернат хотн рупатайн масайн?

– Куртаң йис пормасат шавиты хотн туп тал сис рупитсам. Щалта интернат хотн лэтотат каварты тахая рупитты вохсайм. Ищипа пораятн ма заочной щирн Челябинск вош педагогической университетн «педагог-психолог» щирн елды уталтысам. Хун щипа уталтыты тахаем етшаптасэм па диплом нэпек моцатсам, 2017-мет тал вуш элты интернат хота воспитатель нэца вусайм. Унт куртадн энмам ханты па ёрн мир няврэмат пилда тамхатл вуш унты рупитдам.

– Муй арат няврэм там ёхи хащам порайн нын интернатн хоца тайлаты, кен муй лаварт дый пилэдан наңена рупиттыя?

– Тамхатл муң хоцаева туп няд няврэм тайлуд. Ма щирэмн, дый пилэдн тата рупитты кен па шеңк умащ. Нумастанн, ин манэма мосты вер щипа моцатсам!

Владимир Енов ханшам потар



Варьёган куртаң кутоп ашкуда-интернат хот

Хор: Владимир Енов

## 80-мет талалды йис лолан

Волаң Ляль пинтцам тална сэмна питам ики там пус 80-мет талалды йис лолан, щит Геннадий Ефремович Хартаганов – юх эвалт эватты тус ясаң нэңху ос.

Лув ханты хаттэдна сэмна питас Лорвош район Ханты-Питляр куртна. Ясаң савиты па алңищ туты, шимлаң мир культура, Ямал мув луңтар па искусство общественной совет хоца лоңман ос. Лув верам ропатайдал кутна ар пелак – юх эвалт эвтам хорат па шимлаң мир пормасат. Анта топ Хон мувна па Ямал хуват этты-сайт, па мувна па тотлисайт па хаслайт.

Геннадий Ефремович юх эвалт эватты таха пела нэман онттымал антам, щит аса лув ащел пела вантман ондас. Щи лампа хорам ропатайт верты ораңна – ёр лув сэмна питам мувал па мув хорас эвалт вус.

Щи тус ясаң нэңху хоцаңна ийимел Лидия Павловна ивейна



Хор: vk Мой Питляр

ванна ос, яха дын ветъёң тал осңан.

Ямал мув Почётной нэңху, Хон мув Союз хор хансты тахайна, «Ямал мув верантты па Мастер декоративно-прикладного искусства» Знак тайс па «Шимлаң мир культура савимал па алңищ

тувмал ораңна» губернатор нэман верам премия лауреата ос. Муң мувув па нэңху ораңна щи лампа тынаң нэңху 2019-мет тална антамм ийс. Щимащ нэңху хонты харты ант ярэмада, касң юх эвалт эвтам пормасл хоца самал понман ол.

## «Мув сайлаты нэңхэт»

Хон мув хуват пунсам «Мув сайлаты нэңхэт» фонд хоца кат миллион молтас нэңху каман рот вер пилна ёхтылдыйс. Лув эвалтыдал 1 910 000 ямас лэщатсайт.

Ямал мувна ропытты филиал хоца па ветхощъёң щёрс молтас запрос ос, лув эвалтыдал 95% ямас версайт.

«Муң хоцев питты вопротат ямас лэщатты – муң фонду ораңна щит мет волаң показатель. Муң округу хуват 89 филиал пунсман ол, ропыттэл сыс кат миллион молтас запрос верса. Касң щимащ вер хоца



Хор: ЯНАО губернатор пресс-служба

– ляльна олам па лув хаттэл нэңхулад эвалт сэңк масты инщасапса лайл. Муң нэпекат верта нятлу, нятапсэт ясна пайтта, яммалтыты манта, СВО хоца

лялесты ях хаттэл щутщата китта, хой мули лялесты таха эвалт парта ёхтас ропытты таха канста нятта», – Хон мув Министр обороны лаңкар ның, «Защитники Отечества» фонд председатель Анна Цивилева лавас.

Там фонд Хон мув Президент Владимир Путин партапсы миймал юпина пунсса. Щита СВО эвалт парта ёхтам па лув хаттэлдал нятты ораңна ол.

## Ямал эвалт нил вас опорной пункт хоца лоңас

олапсы конны верты ораңна» нацпроект «Олапсы инфраструктура» ямас лэщатты ораңна.

«Ямас лэщатты инфраструктура онтасна регионатна олапсы мет ямми йил, нэңхэт ропытта йита питлат», – Артём Жога лавас.

Ямал мувна щимащ опорной васат Новый Уренгой, Ноябрьск, Пулңават па Лапатнаңк олта питлат. Щи васат ораңна

мастер-планат мули версайт. Новый Уренгой технологической газ кутап таха олта питл, Пулңават-Лапатнаңк агломерация туризм па логистика кутап олта питл, Ноябрьск па мув илпи эвалт талты мув тут йиңк кутаппи лэщатса. Щимащ опорной пунктат нэңхэт щита ропытта йитэл, ропытты тындал энамтэл ораңна верлайт.

## Блог верта онттыда рахал

Ямал мув нэңхэт Хон мув Президент платформа «Россия – страна возможностей» «Топ-БЛОГ» Всероссийской проект хоца онттыда вахлайт, щит онлайн-курсат олта питлат.

Хой телефон хуват олапсэл па маса шимлаң мир щират-пищат эттыман блог верта ондата дьтл, аса щита вантта рахал. Нэңхэтна ошты блогерат па па ар пелак мурна хасты ях, лавалдэл, хоты блог тута масл па мала пушщи.

Щи курсат «ТопБЛОГ» сайт проект хоца вантта рахлат. Онттыда дьтты нэңху камантсы направление пирьта веритл.

«Йилап технологияйт па искусственной интеллект онтасна муң олапсэв йи тахайна ант лайл. Там йилап олапсына блогосфера такды энамты нэңхэт мули ант веритлат олта. Там «ТопБЛОГ» проект вет тал сыс хон мув нэңхэт элты нятл блог верта», – «Хон мув – страна возможностей» коца, «Сенеж» Мастерской управление ректор Андрей Бетин лавас.

Там проект сэңк ямас лувел эттасды, 2024-мет тал сыс 31,5 щёрс нэңху Хон мув регионат эвалт онттысат, лув эвалтыдал 160 нэңху Ямал эвалт.



Хор: Вера Лонгортова



Хон мув опорной пункт перечень хоца 112 УрФО вас лоңас, лув кутдална Ямал эвалт нил вас.

Там тал эвалт пинтцам федеральной проект «Васатна

Там лопасна ма нынан руц ики пуцци лавалта дьтдам, нэмад Пётр Семёнович Бахлыков – хорат хансал, археолог, мур тэд нэңхэт олапсы онттадыт, луңтарат па йис портат хансал. Дув хансты хордална ханты нэңхэт олапсы вантта рахал, щирдал-пицдал, овс мув хорас.

Пётр Семёнович энамты олмал порайна Угут похална егерь ропата верас, ар тал хантэт йис олапсы па культура пуцци нэпекат актас, ханты мур сэңк омщадасды па самална ванна тайсалды. 1979-мет тална олам похладна пормас эттады хат пунсас, щита дув ар тал актам нэпекдал эттыда понас.


Щиты, айлта хантэт олапсы онттаман хор ханста питас. Пётр Бахлыков хор хансты ораңна нэман нэмаса харты тахайна ант онттыйс, топ ветьяң педа йи талалды ювмал порайна, луңатты нэпек эвалт В.М. Васнецов хансам хор «Богатыри» нэмпии хор педа вантман мет алаң хорл хансас. Щи пора эвалт ал олты хатлдална хор ханста питас. Щиты олман, 1976-мет тална, дув ясл эвалт, йина мет хорам хор этас – «Дитя природы», щита вул пелак ханты ики верман ол, ёхан хуват ай хапна манл.

Дув хансты ропатайдална касаң нэңху щирл-щирл олапсы сыядал, анта ал топ нэпек элты вердалды, самал понд. Хансты хордал луңатты нэпек иты луңатта рахал. Ал нави нэпек элты ханты нэңху олапсы мув хорас пидна йи ёс хуват манман лохас иты манлаңан.

Хансам хордал Сургутской художественной пормас савиты хатна эттаман олат, итта щита 19 хор лайл.

Тампус лолан, щи лампа хорам хорат хансты ики 93-мет талалды йис лолан.

## Хантэт олапсы онттаман хор ханста питас




«Номасты ики», там хорна этталды хоты нэңху мув хорас пидна йи номас понман оллаңан.




«Маты так ясаң», карра олам йис верат эвалт хансман ол, эттаман ол, хоты остяк коща Москва вас коща элты так ясаң мал.



«Йидап ай хап», щимац хор педа вантман, номасна мохты ёхатл: няврем осан, ащен элты верга нятлан.



«Сокалт няврем», хор кутапна нэңху амасл, хоцаңна мув хорас. Щиты эттаман ол, хаттэд кепа ант тайдан мув хорас такды олапсы антам.



«Муv хорас няврем», ханты ики, мет алаңна хансам хордал кутна мет ямас этас.



«Якты хот», хантэт хоца мет вул емаң хатл.

# Нял опи

(одац шупал № 6 луңталн)

Пойкашман, дэпат турсыйн похив потарты питас:


– Наң тата – мет хорамаң эвие, наң элтэн хошам рув йил! Холта педа аңкармалан, щита донц додал. Тови нэман наңен юкантлэв. Ун опен юпийн доя. Ванта, лув щаха меттал юпийн, мохты наң ёхатлан. Потам ицки хатлат юпийн, хошам хатлат ёхатлат. Аманман, холыена наңен лавалты питдат. Мув нох вердал, ёханат катдам кул еңк ухлайил па шукадал. Най ёшданан хошмалтам кашң торн дэрые нохды педа таласал. Юхат хорам лыптаң восты ернасат луматдат.

Тови эвие нэмолаты порайн тамац ясаңат ант худдыйс. Мохты кашащас па Тал нэм тайты опед юпийн тохи доймтас. Щиты щидойл. Тал етшайин, Тови ёхатал, хошам найң ёшладан мув апалдалды. Ицки потам рув воштаман ялап улапса тул.

Похив туп ел шушматы вутщийс, худмет эви кащалас. Талдалн эвиел щах ай. Ваншең мув хуват пушды ернасан, няр курты манал. Ёшчалал элты ай щидкет пурдалат. Лув юпелн шушман, похлат марыдат, хошам ерт мува щёшийл. Охсохлад илта таласман, нульох ольпатаң хутлидат. Восты торнат, нохрат, вонщам отат энамлат. Хорам лапатайт, мав пирмат па торн дорты войт йи лыпат элты кимет лыпта датамтыдат. Хашңайт хотэл дэщатман тыелтохел хухатдыдат, нипсар имет пун сэвман вуратыдат. Ай эвие восты лыптаң юхат кутан хошам вот рув пидан ёнтман хухатдыйл.

Эвел нюхалтал элты, похев щах метас, шаңкыйиңка йис, тупан эвел ёлта ёхатсалды. Мощатсалды, ёшал элты каталсалды па лув педайл ястал:

– Восты сэмаң ай эвие, манэм худанты сары. Наң нэман нэмолаты ант энамлан, улты па энамты даңхаты отдан, лув щирэдан энамлат. Хоят педа самаң, няхаң-ёнттаң эвие, там улты улапса волды наң йи улдан. Хошам руван хошмам эл щутщал па ялпийл, мувиет муй арат верытал юр акмал. Муң наңен Луңа аялты питлэв. Тови нэм тайты опиең юпия доя. Нынан яха каш питал йи юпийн дойты, хоятата па



Хор: culture.ru



ям тулдан. Тал ищкел юпийн, потам рув туты сохат Товийн нох эңхлайт. Наң па хоятата хошмалтыты па еша щутщаты кум малан. Кашң хатлэн нумман тайты питлэв, мийм мойлапсайлан шавилдув.

Щиты Луң эвиев ялап тал юш хоца Тови опед шанша дойс. Ин пора унты щиты щидойл. Руваң хатлат мойламан, элдаң вонщапсайт мал, хошам

Иса нумасман шушилдыман, веншлохтал мормаңа йис. Тухал ишан, таңха молты щуняң хатлат нумалмитадан, веншал нох хутламтал, сэм щунчалал нях мошна ёхатлайт. Щи сус юх лыптит хойм лыпат, вурты, ид питама лыпат, люм элпуп, питы вурты, восты па няр торн восты, сорнең ольпатаң волемилат. Лув педаел вантлан па, щикем хорам нэңие, сэм тохел олямтал.

Щиталан похев ел нюхмас, – муң наңен Сус нэман малэв, – луң пора элты щутщаты меттэван, наң хоцаен ёхатдув. Ицки Тала йиты елпийн сопасат вердув. Вонщамотат акатдув, торан па юх дэщатдув. Наң куца пораен ёхаттыйн, хоятат, тохдаң па унт войт шеңк аманлат. Вещкат наңен уманщдыман тайты питлэв.

Сус нэман понам нэңев вурайң па ерщаң хоятта щах антом ус. Мохты кашащас па опилал юпийн тал манты юш тая дойс. Ин там хатл унты щиты дойл, олңа ант манал, ёхды ант кердал.

Щи порайт элты тал-луң манты улапса щиты щидкарлас: Тал ун ими – тал пуншал, лув юпелан шулиман, лурыман Товиев ёхатал. Щалта па хорасаң Луң эвиев вана шушмал. Мет ёлта Сус опед этал. Лув хоты ун опед хоца муйкем ванамал, турам хуват питы палдат воштаман, щикем щид венш сохал ликаңа йил.

Щиты щид нял ханамнэ кашң тал, тал юш хуват йи юпийн шушлат.

Зоя Куртямова толмащсалды



Хор: Зоя Куртямова

вот рув ёшладан дылаң отдал вошхийл.

Уңлаң-потраң похев мет ёлта нялмет опи пидан уйтантыйс. Там хоты улапса вантам, няврэмат, пошхиет энамлаты, ёшакура хот верат туты нэңие.



# Ханты хансы

Хантэт олапсына хансы сэнк вул таха тайл. Каман рот маса хоща сыялата рахал. Вай сох элты, тонды, щипқан, тун хоща каратла, юх, корты элты тэлна. Хантэт масайдал, охсамдал, вайдал, антап колдал, хырдал, ернасал, сахлад хансына хорамлат.

Мет ал хансэт – щит щипқан лапас эвалт верам лэрат, щит хонты щипқан йи элты йинтла. Хантэт хоща туң лэр – ёс. «Савар пал» – щип хансы Калтащ торам педа луңтасл. Щитна лув ның нэнху па няврем савитытты луңтасл. Ныңат элты няврем тайта нятл. Щимащ хансы няврем маса хоща йинтла. Лавлат, Савар ими – ор ның исат тайл.

«Сумат варас» – каман рот маса хоща тайты хансы, хата аса сыялата рахал. Хантэт хоща сумат щит емаң юх. Сумат пушщи арат арыдайт, парыдыла.

Апщии пушщи верам хансэт щит: «Апщии пал», «Апщии ёс», «Апщии яс», «Апщии». Няврем масайт хоща тайла. Мальщаң элты. Хантэт хоща апщии емаң вай. Ведпаслаты ях масайдал хоща щимащ хансэт верлат, антап кол хоща. Лув эвалдат, щип-

мащ хансы савилды, ведпаслаты порайна ай тул. Щип хансы кат курна лайм апщии хорпи.

«Кадаң аңат» – щип хансы юх варас хорпи, алаңдал каман пелак педа лайлат кадаң аңат иты. Хантэт хоща – кадаң мет масты вай, кадаң тайдан ки, хасам масайн иёлты ол, дытыт тайдан.

Ханты хансэт хорамат. Щипмащ хорам дыптаң па манщна верты вайт хоща. Вуртэт най иты, ланыщ хорпи навет.

Вера Лонгортова  
хансам потар



Хор: Вера Лонгортова

## Газета «ЛУХ АВТ»

Адрес редакции:  
629003, ЯНАО,  
г.Салехард,  
мкр. Богдана Кнуянца,  
д.1, каб.106  
(34922) 4-68-63

E-mail:  
luh.avt@yamal-media.ru

## Учредитель

Департамент внутренней политики  
Ямало-Ненецкого автономного округа  
(629008, ЯНАО, г.Салехард, пр-кт Молодёжи,  
д.9, каб.708)

## Газета зарегистрирована

Управлением федеральной службы по надзору  
в сфере связи, информационных технологий  
и массовых коммуникаций по Тюменской  
области, ХМАО-Югре и ЯНАО  
19 апреля 2012 года  
Регистрационный ПИ № ТУ72-00558

## Тираж 1300 Заказ 0090

Подписные индексы:  
на год – ПА700, на полугодие – ПР561

## № 7 (1258)

Газета вышла в свет 15 февраля 2025г.  
Подписано в печать 13 февраля 2025г.  
по графику: 16.00  
фактически: 16.00

Газета выходит по субботам

Цена годовой подписки 88 руб.,  
в розницу не распространяется

## Издатель

Департамент внутренней политики ЯНАО  
(629008, ЯНАО, г.Салехард,  
пр-кт Молодёжи, д.9, каб.708)

Отпечатано в АНО «Ямал-Медиа»  
Юридический адрес: 629003, Ямало-  
Ненецкий автономный округ, г. Салехард,  
мкр. Богдана Кнуянца, д.1, каб.106

Фактический адрес: 629007, Ямало-  
Ненецкий автономный округ, г. Салехард,  
ул. Чубынина, д.39А

## Генеральный

директор  
АНО «Ямал-Медиа»  
Зулинова  
Марья Андреевна

И.о. главного  
редактора  
Куртямова  
Зоя Николаевна